

Januuarip 12-at 2012

Matumuuna Inatsisartut suleriaasianni § 37 imm 1 naapertorlugu Naalakkersuisunut apeqquteqarpunga:

- 1)
Ilinniartitaanermut Naalakkersuisup Qanoruumi oqaloqatigineqarnermini oqaatigaa kalallit ilinniartut praktikkerfissaaleqisarnerat aningorniarlugu sulinermini ilinniartut siunissami Nordjyllandimut nassiunneqartalissasut, tamannalu Naalakkersuisooqatigiit tamarmiusut anguniagarivaat?
- 2)
Praktikkeriartortinneqartartussanngortut Nordjyllandimut angalasarnissaanut aningaasaliissutissat qanoq annertutigissanersut Naalakkersuisut nalilerpaat?
- 3)
Praktikkeriartortinneqartartussanngortut inissaqarniarnerat pillugu Naalakkersuisut qanoq takorluugaqarpat?
- 4)
Praktikkeriartortinneqartartussat ilinniakkanut sorlerpianut tunngatinneqartussat Naalakkersuisut pilersaarutigaat?
- 5)
Nunatsinni praktikkerfissaqartitsinissaq tamakkiisoq anguniarlugu Naalakkersuisut qanoq politikkeqarpat?

(Aleqa Hammond, Siumut)

Tunngavilersuut:

Ilinniartitaanermut naalakkersuisup Qanoruumi oqaaseqarnera aallaavigalugu Naalakkersuisut praktikkerarneq pillugu aammalu Nordjyllandimut nassiussuisalernissaq pillugu pilersaarutai pillugit paasisaqarusullunga apeqquteqaateqarpunga annerusumik tunngavilersornagu apeqqutigisat ersarereermata.

Kissaatigaara apeqqutima ullut suliffiusut qulit qaangiutsinnagit akineqarsimassasoq.